

情人節唔過二人世界 改約一大班人慶祝

# 劉嘉玲認傳統 寫卡送禮氹偉仔

花就心滿意足。及買禮物氹老公。她則滿足現狀，只需老公送一朵友一齊慶祝。她自認傳統，每逢情人節必定會寫卡是「老夫老妻」，已甚過二人世界，故選擇跟朋友昨日是西方情人節，劉嘉玲表示跟老公梁朝偉

劉嘉玲昨日以嘉賓身份出席「Chubby Hearts Hong Kong」

開幕活動，她表示世界很需要愛，大讚活動很有意思，提醒每個人將愛心帶給身邊及全世界的人，她說：「依家世界充滿天災、疫情同戰爭，都係負面嘅，所以應該多啲愛，從愛自己開始到愛身邊人，再傳達出去，Love is in air！」


嘉玲表示已安排節目慶祝情人節，但並非與老公梁朝偉過二人世界，而是一大班人度過：「依家少二人世界，如果只同梁生過，只係你眼望我眼，有朋友歡樂啲！（有冇準備禮物？）都要，但依家太簡化，問候同派利是都用手機，我就好傳統，寫卡、買禮物，一紮花都要，梁生比我更傳統，仲開緊支票，我都用網上銀行啦！不過都希望有驚喜，女仔好簡單，一朵花已覺得有心意，收到禮物更好啦！」問到想收什麼禮物？她認真地

說：「收歡樂、健康，依家我好滿足，唔需要太多嘢。」

## 睇好老公再做影帝

提到偉仔憑《金手指》再度獲提名金像獎最佳男主角，嘉玲直認偏心，睇好老公稱帝：「其他提名人都好，但我擺明偏心，我睇咗兩次，覺得佢又去到另一個層次，係個難得嘅演員，都係唔好讚佢太多！」問嘉玲有否戲癮？她表示現時專心為老公處理工作，並指老公3月會到德國拍西片《Silent Friend》，故未能出席金像獎頒獎禮。

嘉玲最近當主持人，邀請嘉賓拍攝內地綜藝節目《嘉玲自有約》，她透露剛完成6集大灣區篇：「我都係拍呢個節目先知大灣區咁大、咁多城市，環境又好，餐廳同服務都好。」現在她再拍香港篇，會去廟街、天星碼頭、黃大仙等取景，將香港靚景介紹給大家。嘉玲又表示今次節目是全女班嘉賓，之前邀得莫文蔚、鄭裕玲、楊采妮、朱茵、葉童等，再添食便會全男班嘉賓，到時一定會訪問老公，她笑言：「如果佢唔多講嘢，咁我一個講晒。」



偉仔與嘉玲選擇跟大班朋友過情人節。資料圖片

嘉玲滿足現狀，最想要的禮物是健康和快樂。



偉仔(左)與劉德華於《金手指》的演技備受讚賞。


## 羅子溢背叛「完美人妻」

## 陳自瑤喊足全日

由陳自瑤、羅子溢、王敏奕及黎諾懿等主演的無綫劇《婚後事》，探討愛情及婚姻具爭議性的話題。劇中羅子溢與陳自瑤於大學時已墮入愛河，拍拖多年後結婚及生小朋友，隨着日子過去，矛盾逐漸湧現！正當眾人以為羅子溢是好男人典範，但原來他背着別人眼中的「完美人妻」陳自瑤出軌，幸福美滿的婚姻頓時崩毀！

首次做女一的陳自瑤坦言初看劇本時，單看文字已「喊濕」數盒紙巾，正式拍攝時更試過一日之內由頭喊到落尾，她苦笑說：「收工返到屋企邊到唔識郁，日日喊、日日鬧，又要

經常轉妝，除咗睡眠不足，忙起上嚟食飯都係扒兩啖就埋位。不過幾辛苦都值得，一來我好鍾意劇本，二來今次係《缺宅男女》後再同羅子溢合作，大家經驗多啲，又一樣被劇本感動，所以合作好有火花。」



羅子溢於劇中背叛「完美人妻」陳自瑤。

## 劉松仁坦然面對生死

劉松仁與王梓軒日前接受無綫娛樂新聞台《StarTalk》主持王鎮泉訪問，大談籌備音樂劇《利瑪竇》的點滴。身兼導演和創作的松哥為專心籌備音樂劇，已有一段日子沒有亮相幕前，他坦言當上導演後已沒演戲慾，「收山」不再拍劇兼拍戲。談到近年屢傳中風，精神飽滿的他首度開腔談及健康問題，他笑言無論任何階段都要活得精彩：「病都要精彩，死都要瀟灑，我希望人哋講我病咗係點樣面對，呢樣先係最緊要。」



王梓軒(左)與松哥合作劇集《華麗轉身》結緣。

## 鄧小巧作歌祝福前度

鄧小巧昨日推出今年首支派台歌《白髮齊眉》，於情人節送上最諷刺的祝福，祝前度與另一半「白髮齊眉」。她透露填詞靈感來自身邊的朋友：「好多廿幾歲結婚嘅朋友去到卅幾歲，開始陸陸續續離婚，跟住又會陸陸續續傾前度話

題，例如前度結婚時，內心好似有少少唔係咁順意，唔係咁真心祝福。」小巧表示這首歌是出道以來錄音時間最短的一首歌，只花了個多小時，十分順利。問到如何跟老公過情人節？她坦言有準備：「因為我唔鍾意過情人節，哈哈，真係開心每日都係情人節。」



鄧小巧不喜歡過情人節。